

國秀集三
卷

四部叢刊初編集部

上海商務印書館縮印
江南圖書館藏明刊本

國秀集序

昔陸平原之論文曰詩緣情而綺靡是彩色相
宣烟霞交映風流婉麗之謂也仲尼定禮樂正
雅頌采古詩三千餘什得三百五篇皆舞而蹈
之弦而歌之亦取其順澤者也近秘書監陳公
國子司業蘇公嘗從容謂芮侯曰風雅之後數
千載間詞人才子禮樂大壞諷者溺於所舉忘
者乖其所之務以聲折爲宏壯勢奔爲清逸此
蒿視者之目聒聽者之耳可爲長太息也運屬
皇家否終復泰優游闕里唯聞子夏之言惆悵
河梁獨見少卿之作及源流浸廣風雲極致雖
發詞遣句未協風騷而披林擷秀揭厲良多自
開元以來維天寶三載譴謫蕪穢登納菁英可
被管絃者都爲一集芮侯即探書禹穴求珠赤
水取太冲之清詞無嫌近瀾得興公之佳句寧
止擲金道苟可得不棄於廝養事非適理何貴
於膏粱其有巖壑孤貞市朝大隱神珠匿耀剖
巨蚌而寧周寶劍韜精望斗牛而未獲目之繖
素有愧遺才尚欲巡采風謠求側陋而陳公
已化爲異物堆案颯然無與樂成遂因絕筆今

略編次是在者凡九十人詩二百二十首爲之
小集成一家之言

國秀集目錄上

天官侍郎李嶠四首

考功員外郎宋之問六首

膳部員外郎杜審言五首

太子詹事沈佺期五首

右丞相張說五首

中書侍郎徐安貞六首

京兆張敬忠一首

秘書監賀知章二首

太子賓客徐彥伯一首

仙州別駕王翰二首

中書舍人董思恭一首

新安丞杜儼一首

殿中少監崔滌一首

太子洗馬沈宇一首

廣文進士劉希夷三首

左丞相張九齡三首

禮部尚書席豫二首

靈昌太守李邕一首

吏部員外郎盧僎十三首

司勳員外張鼎二首

刑部侍郎孫逖六首

兵部員外趙良器一首

金部員外郎黃麟一首

太子尉郭向一首

九二十四人詩七十四首

侍宴甘泉殿

李嶠

月宇臨丹地雲牕網碧紗御筵陳桂醕天酒酌
榴花水向浮橋直城連禁苑斜承恩忭歡賞歸
路滿烟霞

餞薛大夫護邊

荒隅時未通副相下臨戎授律星芒動分兵月
輦空犀皮擁青橐象齒飭彤弓決勝三河勇長
驅六郡雄登山窺代北屈指討遼東佇見燕然
上抽毫頌武功

送崔王簿赴滄州

紫陌追隨日青門相見時宦遊從此去離別幾
年期芳桂中鱗酒幽蘭下調悲他鄉有明月千
里照相思

送司馬先生

蓬閣桃源兩處分人間海上不相聞一朝琴裏
悲黃鶴何日山頭望白雲

同姚給事寓直省中見贈 宋之問

清論滿朝陽高才拜夕郎還從避馬路來接珥
貂行寵就黃扉日威回白簡霜栢臺遠鳥茂蘭
省得人芳禁靜鐘初徹更疎漏漸長曉河低武
庫流火度文昌寓直思重乘秋染翰揚暗投
空欲報調下不成章

九日登慈恩寺浮圖應制

鳳刹尋雲半虹旌倚日邊散花多寶塔張樂布
金田時菊芳仙醒秋蘭動睿篇香街稍欲曉清
蹕扈歸天

題大使嶺一首

陽月南飛雁傳聞到此回我行殊未已何日復
歸來江靜潮初落林昏瘴不開明朝望鄉處應
見嶺頭梅

登摠持寺閣一首

梵宇出三天登茲望八川開襟俯城闕揮手拂
雲烟函谷青山外昆池落日邊東京楊柳陌少
別已經年

端州驛見杜審言王無兢沈佺期闕朝
隱壁有題慨然成詠

逐臣北地承嚴譴謂到南中每相見豈意南中
岐路多千里萬里分鄉縣雲搖雨散各分飛海
關江長音信稀處處山川同瘴癘自憐能得幾
人歸

登道遙樓一首

道遙樓上望鄉關淥水泓澄雲霧間北去衡陽
二千里無因雁足繫書還

春日江津遊望

杜審言

旅客搖邊思春江弄晚晴烟消垂柳弱霧卷落
花輕飛棹乘空下回流向日平鳥啼移幾處蝶
舞亂相迎忽歎人皆濁隄防水至清 常不
諫深可戒中盈

秋夜宴臨津鄭明府宅

行止皆無地招尋獨有君酒中堪累月身外即
浮雲露白宵鐘徹風清曉漏聞坐携餘興往還
似未離羣

夏日過鄭七山齋

共有樽中好言尋谷口來薜蘿山徑入荷芰水

亭閣日氣含殘雨雲陰送晚雷洛陽鐘鼓重車馬繫遲回

九日宴江陰

蟋蟀期歸晚茱萸節候新降霜青女月送酒白衣人高興要長壽卑棲隔近臣新沙即此地舊俗坐爲鄰

贈蘇綰書記

知君書記本翩翩爲許從戎赴朔邊紅粉樓中應計日燕支山下莫經年

三日侍宴梨園

沈佺期

九門馳道出三已楔堂開畫簾中流動青龍上苑來野花飄御席河柳拂天杯日晚迎祥處生鏤下帝臺

酬蘇員外夏晚寓直省中見贈

並命登仙閣分宵直禮闈太官供宿膳侍史護朝衣卷幔天河入開牕月露微小池殘暑退高樹早涼歸冠劍無時釋軒車待漏飛明朝題漢柱三署有光輝

壽陽王花燭

仙媛乘龍夕天孫捧雁來可憐桃李樹更遶鳳

鳳臺燭送香車入花歸寶扇開莫令銀漏曉爲盡合歡杯

宿七盤嶺

獨遊千里外高臥七盤西曉月臨床近天河入戶低芳春平仲綠清夜子規啼浮客空留聽塞城聞曙雞

還同杜五過康嶺

天長地闊嶺頭分去國憂家見白雲洛浦肝腸無用說崇山瘴疫不堪聞南浮漲海驚何處北望衡陽雁幾羣兩地春風萬餘里何時重謁聖明君

魏齊王元忠

張說

齊公主人表迴天聞鶴唳清論早揣摩玄心晚超詣入相廊廟靜出軍沙漠窺見深呂祿憂舉後陳平計甘心除君惡足以報先帝

蘇許公瓌

許公信國植克美且瞻情百事資朝問三章廣世程處高心不有臨節自爲名朱戶傳新戟青松拱舊榮淒涼丞相府餘慶在玄成

李趙公嶠

李公寔神敏才華乃天授睦親何用心處貴不忘舊故事遵臺閣新詩冠宇宙在人忠所奉惡我誠將有南浦去無歸嗟嗟茂孫秀

郭代公元振

代公舉鵬翼懸飛磨海霧志康天地屯適與雲雷遇興亡一言決安危萬心注大勳書王府窄命淪江路勢傾北夏門哀靡東平樹

趙耿公彥昭

耿公山嶽靈才傑心亦妙驚鳥峻標立哀玉扣清詞叶替休明啓恩華日月照何意璫臺雲風吹落江微相流下潯陽灑淚一投吊

奉和聖制答二相出雀鼠谷 徐安貞

兩臣初入夢二月扈巡邊潤北寒猶在山南春半傳頌聲先奉御展采復回天雲日明千里旌旗照一川柳陰低輦路草色變新田還望汾陽近宸遊自賞然

從駕溫泉宮

神女調溫掖年年待聖人試開臨水殿來洗屬車塵暖氣隨明主恩波浹近臣靈威自無極從此獻千春

畫殿侍宴

校文常近日賜宴忽昇天酒正傳杯至襄人捧案前玉階鳴溜水清閣引歸烟共惜芸香暮春風度幾年

送王判官

明月開三硤花源出五溪城池青壁裏烟火綠林西不畏王程促唯愁仙路迷巴東下歸棹莫待夜猿啼

送呂向補闕西岳勅碑

聖作西山頌君其出使年勅碑懸日月驅傳接雲烟寒盡函關路春歸洛水邊別離能幾許朝暮玉墀前

送丹陽採訪

郡縣分南國皇華出聖朝爲憐鄉梓近不道使車還舊俗吳三讓遺風漢六條願言除疾苦天子聽謳謠

邊詞

五原春色舊來遲二月垂楊未挂絲即今河畔水開日正是長安花落時

送人之軍中

賀知章

張敬忠

常經絕脉塞復見斷腸流送子成今別令人起
昔愁隴雲晴半雨邊草夏先秋萬里長城寄無
貽漢國憂

偶遊主人園

主人不相識偶坐爲林泉莫謾愁酤酒囊中自
有錢

孤燭嘆

徐彥伯

切切夜闌冷微微孤燭然玉盤紅淚滴金爐彩
光圓暖手縫輕素頻蛾續斷絃相思咽不語回
向錦屏眠

涼州詞二首

王翰

蒲萄美酒夜光杯欲飲琵琶馬上催醉臥沙場
君莫笑古來征戰幾人回
秦中花鳥已應闌塞外風沙猶自寒夜聽胡笳
折楊柳教人氣盡憶長安

奉試昭君

董思恭

琵琶馬上彈行路曲中難漢月正南遠燕山極
北寒鬢鬢風拂亂眉黛雪霜殘斟酌紅顏趣何
勞握鏡看

客中作一首

杜儼

書劒催人不暫閑洛陽羈旅復秦關容顏歲歲
愁邊改鄉國時時夢裏還

望韓公堆一首

崔滌

韓公堆上望秦川渺渺關山西接連孤宦一身
千里外未知歸日是何年

武陽送別

沈宇

菊黃蘆白鴈初飛羌笛胡琴淚滿衣送君腸斷
秋江水一去東流何日歸

覽鏡

劉希夷

青樓挂明鏡臨照不勝悲白髮今如此人生能
幾時秋風下山路明月上春期歎見君恩盡容
顏不可思

晚春

佳人眠洞房回首見垂楊寒盡駕鸞被春生玳
瑁床庭陰暮靄靄影散紅芳寄語同心伴迎
春且薄粧

歸山

歸去嵩山道煙花覆青草綠山無塵山青楊
柳春日暮松聲合空歌思殺人

奉詔宋大使鼎一首

張九齡

時來不息意宿昔繆鈞衡翊聖輔明主妨賢愧
友生罷歸猶未識待罪尚南荆政是留臺舊風
因繫組清軒車問疾苦黎庶荷仁明衰廢時將
薄祇應儉舊情

奉和五司馬折梅寄京中兄弟

離別念同嬉芬榮欲共持獨攀南國樹遙寄北
風時林惜迎春早花愁去日遲仍聞折梅處更
有秣華詩

春燕寄懷一首

海燕何微眇乘春亦暫來不知泥滓賤祇見玉
堂開繡戶時雙入雕梁日幾回無心與物競鷹
隼莫相猜

蒲津迎駕

帝澤

回轡下蒲坂飛旆指秦京雕上黃雲送關中紫
氣迎霞朝看馬色月曉聽雞鳴防拒連山險長
橋壓水平省方知化洽察俗覺時清天下長無
事空餘襟帶名

奉和勅賜公主鏡

令節頒龍鏡仙輝下鳳臺含靈萬象入寫照百
花開色與皇明散光隨聖澤來妍蚩冰鑑裏從

此媿非才

詠雲

李邕

綵雲驚歲晚縹緲孤山頭散作五般色疑爲一
段愁影雖沉澗底形在天際遊風動必飛去不
應長此留

十月梅花書贈

盧僊

君不見巴鄉冬候與華別年年十月梅花發上
苑今應雪作花寧知此地花爲雪自從遷播落
黔巴三見江上舞新花故園風光靈洛汭窮峽
凝雲度歲華花情縱似河陽好客心倍傷邊候
早春候颯颯樓上梅霜威未落江潭草江水尋
天去不還樓花覆簾空坐攀一向花前看白髮
殘回夢東憶紅顏紅顏白髮雲泥改何異桑田
移碧海却想華年故園時唯有一片空心在空
心吊影向誰陳雲臺仙閣舊遊人儻知巴樹連
冬發應憐南國氣長春

稍秋曉坐閣遇舟東下揚州即事寄上

族父江陽令

虎嘯山城晚猿鳴江樹秋紅林架落照青峽迷
歸流歸流赴淮海征帆下揚州族父江陽令盛

業繼前修文掩崔亭伯德齊陳太丘時哉惜未
與千載且爲僞憶昔山陽會長懷東上游稱觴
阮林下雪賦謝庭幽道濃禮自暑氣舒文轉道
高情薄雲漢酬態坐芳洲接席復連軫出入陪
華輶獨善與兼濟語默奉良籌歲月歡無已風
雨暗颺颺掌憲時持節爲邦邇海頭子人惠雖
樹蒼生望且留微躬越直道神句忝清猷仙臺
適西步鸞微忽南浮宇內皆安樂天涯獨速投
忠信徒堅仗神明豈黜訓觀生海漫漫稽命天
悠悠雲昏巴子峽月遠吳王樓懷昔明不寐悲
今歲屬周喟無排雲翮暫得抒離憂空灑靈江
淚萬里逐行舟

初出京邑有懷舊林

賦生期獨得素業守微班外忝文學知鴻漸驚
鵲間內傾水木趣築室依近山晨趨天日宴夕
臥江海閑松風生坐隅仙禽舞亭畔曙雲林下
客霽月池上顏雖曰坐郊園靜默非人寰時步
蒼龍宰異白雲關語濟豈時顧默善忘世攀
世網余何觸天涯謫南蠻回首思洛陽喟然悲
貞艱舊林日夜遠孤雲何時還

上幸皇太子新院應制

佳氣曉葱葱乾行入震宮前星迎北極少海被
南風視膳銅樓下吹笙玉座中訓深家以正義
舉俗爲公父子成到合君臣禹啓同仰天歌聖
道猶愧乏雕蟲

奉和李令扈從溫泉宮賜遊驪山韋侍
郎別業

風后軒皇佐雲峰謝客居承恩來翠嶺綺賞出
丹除飛蓋松溪寂清茄玉洞虛窺巖詳霧豹過
水略泉魚鄉入無何有時還上古初伊臯差過
俠魏邴服麤疎白雪綠情降青霞落卷舒多慙
郎署在輕縑國風餘

送蘇八給事出牧徐州相國請出同芳
韻

金鼎屬元方環闔連季常畏盈恥出守分命乃
維良曉騎辭朝遠春帆向楚長賢哉謙自牧天
下詠餘芳

季冬送戶部郎中使黔府還補

握鏡均荒服分衛得大同微賢一臺上補吏五
溪中雨露將天澤文章播國風漢庭睽直諫楚

峽望清通馬逐霜鴻漸帆公曉月空還期鳳池
拜照權列星宮

讓帝挽歌詞

泰伯玄風遠延州德讓行闔棺追大節樹羽冊
鴻名地戶迎天仗皇階失帝兄還聞漢明主遺
劍泣陳平

朝天馳馬絕冊帝 宮祖忱惚陵廟新蕭條池館古
萬化一朝空哀樂此路同西國有明月修竹韻悲風
題殿前桂葉

桂樹生南海芳香隔楚山今朝天上見疑是月
中攀

歲晚還京臺望城闕成口號先贈交親
紫陌開行樹朱城出晚霞猶憐慣去國疑是夢
還家風弱知催柳林青覺待花交親望歸騎幾
處擁年華

南樓望

去國三巴遠登樓萬里春傷心江上客不是故
鄉人

臨川送別

秋郊日半隱野樹煙初映風水正蕭條那堪動

離詠

江南遇雨一首

張鼎

江天寒意少冬半雨仍飛出戶愁爲聽從風灑
客衣旅魂驚處斷鄉信意中微幾日應晴去孤
舟且欲歸

送趙 護邊

孫述

外域分都護中臺命職方欲傳清廟略先取劇
曹郎已佩登臺印猶懷伏奏香百盡開詔餞四
壯誠戎裝青海連西掖黃河帶北涼關山瞻漢
月戈劍宿胡霜體國才先著論兵策復長果持
文武術還繼杜當陽

張丞相燕公挽歌詞二首

海內文章伯朝端禮樂英一言興實運三入濟
羣生命與才相偶年將位不并台星忽已圻流
慟軫皇情

甲第重戟高門四列侯已成冠蓋里更有鳳凰樓
人世方爲樂生涯遠若休空餘掌綸地傳慶千秋

送張環攝御史監南選

漢使得張綱威名攝遠方恩霑柱下史榮比選
曹郎江帶黔中關山連峽水長莫愁炎暑地秋

至有嚴霜

春日留別

春路遙迤花柳前
孤舟晚泊就人烟
東山白雲不可見
西陵江月夜消消
春江夜盡潮聲度
征帆遙從此中去
越國山川看漸無
可憐愁思江南樹

途中口號

鄴城東北望陵臺
珠翠繁華去不回
無復新粧艷紅粉
空餘故蘂滿青苔

三月三日曲江錫宴

趙良器

聖祖發神謀
靈符叶帝求
一人光錫命
萬國荷時休
雷解圓丘畢
雲需曲水遊
岍花迎步輦
仙仗擁行舟
靈藻天中降
恩波海外流
小臣同品物
陪此樂皇猷

鄭國夫人挽歌詞

淑德延公胄
宜冢接帝姻
桂宮男掌僕
蘭殿女昇嬪
恩澤昭前命
盈虛變此辰
百年今已矣
彤管列何人

郡中客舍

黃麟

蟲響亂啾啾
更人正數籌
魂歸洞庭夜
霜臥洛

陽秋微月有時隱
長河到曉流
起來還囑鴈鄉信
在吳洲

途中口號

郭向

抱玉三朝楚懷書
十上秦年年洛陽
陌花鳥弄歸人

國秀集卷上

國秀集卷中

金部貢外郭良二首

考功貢外蔣冽二首

西河長史劉廷琦三首

安定太守王喬一首

陳王操張諤五首

司勳貢外鄭審一首

大理司直薛奇童三首

大僕寺丞崔顥七首

河陰尉徐九皋五首

醴泉尉闕寬五首

河陰令康定之一首

尚書右丞王維七首

崑山令萬齊融二首

進士樓穎五首

左補闕崔國輔六首

右武衛錄事李疑二首

校書郎王泠然一首

右武衛錄事李收二首

會稽尉賀朝一首

進士楊重玄一首

前進士常建一首

處士孟浩然七首

進士程彌綸一首

餘杭尉丁仙芝一首

凡二十四人詩七十三首

題李將軍山亭

郭良

鳳轄將軍位龍門司隸家衣冠爲隱逸山水作繁華徑出重林草池徑兩岸花誰知貴公第亭院有烟霞

早行

早行星尚在數里未天明不辨雲林色空聞風水聲月從山上落河入斗間橫漸至重門外依稀見洛城

南溪別業

蔣冽

結字依青嶂開軒對綠嶂樹交花兩色溪合水同流竹徑春來掃蘭棹夜不收逍遙自得意鼓腹醉中遊

古意

冉冉紅羅帳開君王樓上畫作同心鳥樹花兩

心向春風正可憐吹映綠窓前
妾意空相感君心何處邊

從軍

劉庭琦

朔風吹寒塞胡沙千萬里
陣雲出岱山孤月生海水
次勝方求敵街恩本輕死
蕭蕭牧馬鳴中夜拔劍起

詠木槿樹題武進文明府廳

物情良可見人事不勝悲
莫恃朝榮好君看暮落時

過故人舊宅

王喬

故人軒騎罷歸來舊宅園林閑
不聞唯餘挾瑟婦哭向平生歌舞臺

東封山下宴羣臣

張諤

萬里扈封羣羣公遇此歡慢城連夜靜霜仗滿
空寒聲路宵煙合旌門曉月殘明朝陪聖主山
下禮圓壇

岐王美人

半額畫雙蛾盈盈燭下歌
玉杯寒意少金屋夜情多
香艷王分帖裙嬌勅賜羅
平陽莫漫妬嘆出不如他

贈吏部孫員外濟一首

天子愛賢才星郎入拜來
明光朝半下建禮直初回
名帶含香發文隨綺幕開
披雲自有鏡從此照仙臺

岐王山亭

王家傷綠池春色正相宜
豈有樓臺好兼看草樹奇
石榴天上葉椰子日南枝
出入千門裏年年樂未移

九日宴一首

秋葉風吹黃颯颯晴雲日照白
鱗鱗歸來得問茱萸女
今日登高醉幾人

酒席賦得題鄭

鄭審

華閣與賢開仙詠自遠來
幽林常伴許廬蒼亦隨回
挂影憐紅壁傾心向綠杯
何曾斟酌處不使玉山頽

擬古

薛奇章

沙塵朝蔽日失道還相遇
寒影波上雲秋聲月前樹
川氣生曉夕野陰乍烟霧
沉沉澗池水人馬不敢度
吮靡世所薄挾纊思難顧
不見古時人中宵淚橫注

和李起居秋夜之作

過庭聞禮日趨侍記言回獨臥玉窓前
簾殘雨來高秋南斗轉涼夜北堂開水影入朱戶螢
先生綠苔簡成良史筆年是洛陽才莫重白雲
意時人許上台

吳聲子夜歌

淨掃黃金堦飛霜皓如雪下簾彈夢寐不忍見
秋月

古遊俠

崔顥

少壯有膽氣好勇復知機杖劍出門去孤城逢
合圍殺人遼水上走馬漁陽歸鎗落金瑣甲蒙
茸貂鼠衣還家行且獵弓矢速如飛地迴鷹犬
疾草深狐兔肥腰間帶兩綬轉盼生光輝顧謂
今日戰何如隨建威

結定襄獄効陶體

我在河東時使至定襄里定襄黠小兒爭訟紛
城市長老莫敢言太守不能理謗書盈几案文
墨相填委牽引市井翁追呼田家子我來折此
獄五聽辨疑似小大必以情未嘗施鞭撻是時
三月暮遍野農耕起里巷鳴春鳩田園引流水

此鄉多雜俗戎夏殊音旨顧問邊塞人勞情曷
云已

贈輕車

悠悠遠行歸經春涉長道幽冀桑始青洛陽
已老憶昨戎馬地別時心草草烽火從北來邊
城閑當早平生少相遇未得展懷抱今日杯酒
中見君交情好

岐王席觀妓

二月春來半王家日漸長柳垂金屋暖花覆玉
樓香拂匣先臨鏡調笙更炙簧長將歌舞態只
擬奉君王

題沈隱侯八詠樓

梁日東陽守爲樓望越中綠窓明月在青史古
人空江靜聞山枕川長數寒鴻登臨白雲曉留
恨此遺風

贈梁州張都督

聞君爲漢將虜騎不南侵出塞清沙漠還家拜
羽林風霜臣節苦歲月主恩深爲語西河使知
余報國心

題普鶴樓

昔人已乘白雲去，茲地空餘黃鶴樓。
黃鶴一去不復返，白雲千里空悠悠。
晴川歷歷漢陽樹，春草青青鸚鵡洲。
日暮鄉關何處是？煙波江上使人愁。

關山月

徐九臯

玉塞抵長城，金微映高闕。
遙心萬餘里，直望三邊月。
霜靜影逾懸，露稀光漸沒。
思君不可見，空歎將焉歇。

戰城南

塞北征胡旅，城南敵漢軍。
圓峴一鼓氣，拔利五兵威。
虜騎瞻山哭，王師拓地飛。
不應須臾戰，當遂勒金微。

詠史

亡國秦韓代，榮身劉項年。
金槌擊政後，玉斗碎增前。
聖主稱三傑，明離保四賢。
已申黃石誓，方慕赤松仙。

途中覽鏡

四海遊長倦，百年愁半侵。
賴窺明鏡裏，時見丈夫心。

送部四鎮人往單于別知故

天下今無事，雲中獨未寧。
恭驅更戌卒，方遠送邊庭。
馬飲長城水，軍占太白星。
國恩行可報，何必守經營。

松滋江北阻風

閻寬

江風久未歇，山雨復相仍。
巨浪天涯起，餘寒川上凝。
憂人勞夕惕，鄉事憶晨興。
遠聽知音駭，誠哉不可陵。

曉入宜都渚

問俗周楚甸，川行眇江潯。
興隨曉光發，道會春言深。
回眺佳氣象，遠懷得山林。
佇應舟楫用，曷務歸閑心。

古意

庭樹發華滋，瑤草復歲蕤。
好鳥飛相從，愁人深此時。
天中有靈匹，日夕頻蛾眉。
願逐飄風花，千里入遙帷。
心逝愛不見，空歌悲莫悲。

春宵覽月

月生東荒外，天雲收夕陰。
愛見澄清景，象吾虛白心。
耳目靜無譁，神迢道性深。
乘興得至樂，當言因永吟。

秋懷

下帷長日盡虛館早涼生芳草猶未薦如何蜻
蛸鳴秋風已振衣客土何時歸爲問當途者寧
知心有違

詠月

康定之

天使下西樓光含萬里愁臺前疑挂鏡簾外似
懸鉤張尹將眉學班姬取扇儔佳期應借問爲
報在刀頭

河上送趙仙舟

王維

相逢方一笑相送還成泣祖席已傷離荒城復
愁入天寒遠山靜日暮長河急解纜君已遙望
君空佇立

初至山中

中歲頗好道晚家南山垂興來每獨往勝事祇
自知行到水窮處坐看雲起時偶然見林叟談
笑滯還期

途中口號

廣武城邊逢暮春汶陽歸客淚霑巾落花寂寂
啼山鳥楊柳青青渡水人

成文學

寶劍千金裝登君白玉堂身爲平原客家有邯

鄆媚使氣公卿坐論心遊俠場中年不得意謝
病客遊梁

扶南曲

怪來粧閣朝下不相迎揔在春園裏花間語
笑聲

息傷怨

莫以今時寵能忘昔日恩看花滿眼淚不共楚
王言

送殷四葬

送君返葬石樓山松柏蒼蒼賔馭還埋骨白雲
長已矣空餘流水向人間

贈別江

萬齊融

東南飛鳥處言是故鄉天江上風花晚君行定
幾千計程煩破月數別屢開年明歲潯陽水相
思寄採蓮

送陳七還廣陵

風流誰氏子雖有舊無雙歡酒言相秋茂意
不降落花馥河道垂楊拂水窓海潮與春夢朝
夕廣陵江

伊水門

樓穎